

Fecha: Febrüari 24, 2012

Tópiko: Kuido di Kreashon

Meta: Pa eksaminá e prinsipionan bibliko ku ta sostené nos kuido pa planeta tera.

Konosé: Dios a krea planeta tera pa reflehá Su gloria promé i despues di piká.

Sinti: Apresiá e balor di planeta tera pa nos i pa Dios.

Hasi: Hasi un kompromiso pa kuida pa planeta tera komo un mayordomo responsabel.

Introdukshon

Nos ta lucha ku e inkietut, ta kon realmente nos mester dil ku preokupashonnan ambiental. Na mes un tempu, komo mayordomonan di tur e regalunan di Dios, akaso hende no tin obligashon pa kuida di tera? Despues di tur kos, Señor Dios no a kre'é i pronunsiá ku e tabata —*hopi bon*//? Komo puebel ku tin un mensahe kla di Dios komo Kreador di tur kos (Revelashon 14:6, 7), nos no tin algu di bisa tokante e pregunta, ta kon mester trata Dios Su kreashon? Den e siman aki nos ta ban eksplorá loke Beibel ta bisa di algun di e preokupashonnan aki (*Adult Teachers Sabbath School Bible Study Guide p.89*).

Deklarashon: Dios a krea i lo rekrea planeta tera.

Lesá: 2 Pedro 3:10-14; Revelashon 21: 1

Meditá: Relashon vertikal

Pregunta: Dikon nos mester kuida di planeta tera siendo ku e lo wòrdu rekreá?

Kompartí entre dos persona: Relashon horizontal

Aplikashon: Kon e versikulonan ariba ta proteha bo for di adorashon di planeta tera?

Deklarashon: E forma ku nos ta kuida pa planeta tera por wòrdu influenshá pa nos kreensha tokante su origen.

Lesá: Genesis 1:1, 26; Santiago 5: 1-5; Salmo 24:1

Meditá: Relashon vertikal

Pregunta: Dikon nos kreenshanan ta influenshá e forma ku nos ta kuida di planeta tera?

Aplikashon: Bo aktitut pa ku planeta tera ta reflehá bo kreenshanan tokante di su origen?

Deklarashon: Nos responsabilidat pa kuida pa planeta tera a kuminsa promé ku pika.

Lesa: Genesis 2: 15

Meditá: Relashon vertikal

Pregunta: Kiko e teksto kier men ku e frase: “kultiv’é i kuid’é?”

Kompartí entre dos persona: Relashon horizontal

Aplikashon: Kon responsabel bo ta den e kuido di bo medio ambiente?

Deklarashon: Wardamentu di Sabat ta duna planeta tera sosiegu for di golosidat humano i eksplotashon.

Lesa: Nehemias 13: 16-19

Meditá: Relashon vertikal

Pregunta: Kon wardamentu di Sabat por kontribuí na e kuido di planeta tera?

Kompartí habrí ku bo maestro

Aplikashon: Kon bo sosiegu di Sabat tabata un bendishon pa bo medio ambiente?

Preguntanan di aplikashon general

1. Kiko bo por hasi diferente pa kuida pa bo medio ambiente?
2. Kon bo kuido pa planeta tera ta reflehá bo komprondementu di e binimentu di Hesus?
3. Kon lo bo splika na un amigu ku e sosiegu di Sabat ta un bendishon pa e medio ambiente?
4. Ki kambionan lo bo por hasi den bo dieta pa indiká bo kuido di planeta tera?
5. Kon planeta tera a yega di ta un bendishon pa bo?